



7. 260
3589
1899
N 1

სოლომონ II, მეფე იმერთა

(სიხტორიო მისალი)

ქვემოთ ამის ვებუდავთ იმერეთის მეფის სოლომონ II-ის წერილს, რომელიც ჩვენ სრულებით შემთხვევით ჩაკვივარდა ხელში. წერილი მოწერილია ქ. ახალციხიდან ზემო-იმერლებთან (აწინდელის შორახნის მარხის მცხოვრებლები), ანუ, როგორც თვით სოლომონი სწერს, ზემოურებთან. რათა შეითხველმა უფრო ადვილად გაითვალისწინოს ამ წერილში აღნიშნული ფაქტები, საჭიროდა ვრაცხთ, განმარტებასავით, რამდენიმე ისტორიული და სოლომონ II თანამედროვე გარემოება აღნიშნოთ.

1784 წელს, 23 აპრილს გარდაიცვალა დიდად სახელგანთი იმერეთის მეფე სოლომონ დიდი და მის წილ იმავე წელს, კაცია დადიანის დახმარებით, გამეფდა დავითა, ძმისწული სოლომონ დიდისა. მაგრამ კაცია დადიანის სიკვდილის უმაღლ (+ 6 დეკემბერს 1788 წ.) იმერეთის მეფემ მონინდომა სამეგრელოს დახურობა. რადგან კაციას შვილი, დადიანი გრიგოლ, მაშინ მცირეწლოვანი იყო (17 წლისა), იმერეთის მეფე შევიდა ჯარით სამეგრელოში, მოსტყვენა ქვეყანა, მაგრამ მცირეწლოვანი დადიანი ხელში ვერ ჩაიგდო. მაშინ მეგრელთა მოუწოდეს არჩილის ძეს დავითს, სოლომონ დიდის თექვსმეტის წლის ძმის-წულს, შერთეს მას გრიგოლ დადიანის და მარამ (1789 წ. 6 თებერვალს) და გამოაცხადეს იმერეთის მეფედ; სახელიც გამოუცვალეს და დაარქვეს სოლომონ მეორე. დავით მეფე დიდადის იმერთა და ლეკის ჯარით სოფ. მათხონჯის ახლო დაბანაკდა, ცხენის-წელის ჰირზე. შეერთებულნი

«ორნი ერმანი», სოლომონ მეფე და დადიანი გრიგოლ, დავითს უეცრად დაესხნენ 10 ივლისს 1789 წელს, ხანკრძღვის ომის შემდეგ, გააქციეს და მისდიეს ქუთაისამდე. აქაც ვერ გამაგრდა დავით მეფე და მეორე დღეს, 11 ივლისს, ქუთაისიც აიღეს, სოლომონ გამეფეს და მთელი იმერეთი მას დაუმოწეს. დავით მეფე გადავიდა ახალციხეს, ოსმალეთში. იქიდან ჩამოიყვანა ოსმალის ჯარი და მათის შემწეობით აიღო ქუთაისი და ხელახლა გამეფდა იმერეთს 1790 წელს. მაგრამ გრიგოლ დადიანის და ერეკლე ქართლის მეფის შემწეობით (რომელიც იყო ხანა სოლომონ მეფისა) დავით მეფე ხელახლა გადაადგეს და ქუთაისი აიღეს (1791 წელს).

მიუხედავად ამდენის ერთგულებისა მეფის დასწავლავებულ შირთა (წერეთელ-წულუკიძეთა) შური და მტრობა ჩამოადგეს მეფის და დადიანს შუა. ამ შურმა სრულიად დასცა სამეგრელოს სამთავრო და იმერეთის სამეფოცა. მიზეზად განხეთქილებისა რომელნიმე ასახელებენ დადიანის გრიგოლისაგან ერეკლე მეფის შვილის-შვილის ნინო დედოფლის შერთვას (1790 წელს), რაისა გამო დადიანი, ქართლის მეფეთა შემწეობით, ვითომ სსშიში ჭებდობდა იმერთა მეფისათვის. მაგრამ ნამდვილი მიზეზი იყო სოლომონ მეფის განზრახვა, რომ ლეჩხუმი წაერთმია დადიანისთვის და შემოეერთებინა იმერთა სამეფოსათვის. ამ განზრახვით სოლომონ მეფემ მიიმხრო ლეჩხუმის უფროსი კაცები და გრიგოლ დადიანი გადაადგეს (1792 წ.); დადიანობა მისცეს მისს ძმას მანუჩარს, რომელიც ხელქვეითი გახდა იმერთა მეფისა.

მაშინ გრიგოლ დადიანმა მოიყვანა ახსო-სამურზაყანოს ჯარი და შეება მეფეს მარსილის მინდორზე (სენაკის მაზრაში, მდ. ახაშის შირასს, სოფ. ბანძას ახლო), მაგრამ დამარცხდა (1793 წ.). შემდეგ 1794 წელს გრიგოლმა ისევ ითხოვა შემწეობა ახსოეთის მთავრის ქელებს ამხეტბეგისაგან და სსსიიდან დაუთმო მას ქალაქი ანაკლია (შავის ზღვის შირასს). დიდძალი ჯარი აფხაზთა შემოვიდა სამეგრელოში და დადგა სოფ. ხიბულას (ზუგდიდის მაზრა). მეორეს მხრით მეფე სოლომონს აქმალა მეფე-უფოდილი დავით, რომელიც იმერეთისა და ლეკის ჯარით დადგა მათონჯს. სოლომონს სსქმე უჭირდა, მაგრამ ქართლის მეფის ერეკლეს შემ-

წილობით (რომელმაც გამოუგზავნა არტილერიის და ჯარი თვისის შვილის ალექსანდრეს მხედართ-მთავრობით) აფხაზნი დამარცხდნენ და მეფე-ეფთილი დავითიც, შეშდევ სსსტიკის ბრძოლის (24 ოქტომბერს 1794 წ.), ვერ დადგა და გაიქცა ფოთს (რომელიც მასშინ ოსმალთა ეჭირათ) და იქიდან ახალციხეს, სადაც მოკვდა ყვავილითა 1795 წელს. გრიგოლ დადიანი კი ფოთიდან ისევ სამეგრელოში შემოვიდა; თუმცა სცადა, დადიანობა ვერ იშოვა. მაგრამ ვერც სოლომონ მეფემ მოახერხა მისი განდევნა, რადგან ძლიერი შეგობრები ჰქვანდა სამეგრელოში (1794—1798 წ.).

რაკი სოლომონმა ვერ განდევნა გრიგოლ დადიანი სამეგრელოდან და ეს ქვეყანა შოფოთში იყო, ქართლის მეფის ერეკლეს შუამდგომლობით, მეფე შეურიგდა გრიგოლს 1799 წელს: მას დაუბრუნა დადიანობა, სოლო მანუჩარს მისცა ლიპნარტიანობა.

თუმცა გრიგოლ დადიანს ამ შერიგებით ლენხუმის მარცა დაუბრუნდა, მაგრამ მხოლოდ სიტყვით. სამდვიოდ კი ლენხუმს განაკება სოლომონ მეფის მომხრე მძლავრი თავადი ქაიხოსრო გელაგანი. ბევრი ითმინა დადიანმა, ბევრი დონე იხმარა, რომ ლენხუმში გაბატონებულყოფა არა მარტო სიტყვით, არამედ საქმითაც, მაგრამ გელაგანმა მეფის ქვეგანზრახულობით არ მიუშვა. ამის გამო დადიანმა მოაკვლევინა ქაიხოსრო გელაგანი 1799 წელს. ამ გარემოებამ ისევ შური ჩამოკვდა მეფისა და დადიანს შუა ლენხუმის გამო. სელახლა ატედა მათს შორის ბრძოლა, რომელიც გათავდა იმით, რომ 1802 წლის დამწეებს მეფემ ხელმოკრედ გადააკვდა გრიგოლ და დადიანობა ისევ მანუჩარს უბოძა, მაგრამ სამეგრელოდან გრიგოლის განდევნა ვერ შესძლო. იყო მუდამი ომი და კირთება იმათს შუა. სამეგრელოს ხალხი მეტად შეაწუხა მეფე-დადიანის განუწევებელმა ბრძოლამ. რაკი ვერა გააწეო-რა, მეფემ არჩია ისევ შერიგება გრიგოლთან და შესარიგებლად მარტო ჭევიშის ციხეს დასჯერდა (1802 წლის დამწეებს). ეს ციხე აშენებულა ლენხუმ-რაჭა-იმერეთს შუა და ითვლებოდა კლიტედ რაჭა-ლენხუმისა. თუ იმ ციხეს მეფე დაიჭერდა, დადიანს გზა ესპობოდა რაჭაში და ყოველი დონისძიებაცა რაჭველ ერისთავთან შეერთებულ მოქმედებისა მეფის საწინააღმდეგოდ; სოლო მეფეს, ჭევიშის ციხის

მქნებულს, მუდმივს შიშში ეჭირა რაჭაცა და ლენხუმიცა. ამის გამო კრიგოლ დადიანმა თუმცა კარეგნობის შერიგებისათვის ჭევიში დაუთმო მეფეს, მაგრამ, შემდეგ შერიგებისა და დადიანად კანდამისა, სხვა-და-სხვა მიზეზიანობით, ჭევიშის გადატემა დააკვირნა და, ბოლოს, სულ უარი შემოუთვალა. დადიან-ყოფილი თვისი ძმაცა მანუხარი შინაურულად შერიგა, საღიბარტიანოს დააჯერა და მეფის საწინააღმდეგოდ აღძრა (ივლის 1802 წელს).

სოლომონ მეფე განრისხდა და ასტუეს ომი დადიანთან. დიდძალის ჯარით და არტილერიით გაილაშქრა ლენხუში და ჭევიში, ეს ლენხუმის კარი, მთისყიდა მეტნობუნთაგან (სექტემბერს 1802 წ.) და, ლენხუში შესულმა, უმეტესი ნაწილი ციხე-სიმაგრეებისა აიღო. უკანასკნელ, სოფელ უსახელში სრულიად დამარცხა დადიანი კრიგოლ, გააქცია, ლენხუში მთლათ დაიჭირა (18—25 ოქტომბერს), შევიდა სამეგრელოში, კრიგოლ და მანუხარ განდევნა და გადადიანა ოტია კაცის ძე. გამარჯვებული ქუთაისს დაბრუნდა. სოლო კრიგოლ, დადიან-ყოფილმა, აფხაზებს მიჰმართა, აფხაზეთის გამგეს მძევლად მისცა თვისი შვილი ლეონ, და 20,000 მხედრობა აფხაზთა სამის ზარბაზნით სამეგრელოში შემოვიდა და აბედათს დაბანაკდა (ნოემბერს 1802 წ.). მაგრამ აქაც ბედმა უმტყუნა კრიგოლს: სოლომონ მეფემ და ოტია დადიანმა აფხაზის ჯარი შეისყიდეს და შეიჯერეს. აფხაზები უომრად წავიდნენ თავისს ქვეყანაში (ნოემბრის დამლევს).

მაშინ კრიგოლ დადიანმა, ყოველ ღონეს მოკლებულმა, რუსის მხედრობა მოიწვია თავისის ქვისლის, დავით ბატონიშვილის, შემოწმებით (1802 წ.), მიიღო ოქმი სამეგრელოს რუსთმთავარგელობის შესვლისა (23 მაისს 1803 წ.) და შემდეგ გაკზავნა ციციანოვთან ცაღკე ელჩები, რომელნიც (რადგან ყველა გზები ტოფილისისკენ სოლომონ მეფეს ეჭირა) გადავიდნენ სვანეთის გზით კავკასიის უღელ-ტუხილს (ივლის 1803 წ.), მოზდოკში ჩავიდნენ და იქიდან ტოფილისს (24 ოქტომბერს 1803 წ.), ითხოვა რუსთაგან ჯარი და თანაც დასძინდა, რომ თუ რუსები არ შემეწვიან, იძულებული ვიქნები ოსმალოს ჯარი მოვიწვიოვო. მთავარმართებელმა ციციანოვმა სიხარულით მიიღო წინადადება კრიგოლისი, გამოეგზავნა მას საჩუქრები და აღექსანდრე ნეველის ჯვარი. ამასთან, მთავარ-

მართებულმა გამოგზავნა რუსის მხედრობა ჰოლოკონიკის მაინოვის მხედართმთავრობით. ეს ჯარი, ტფილისიდან პნაემბერს გამოსული, წამოვიდა ახალციხის გზით ფოთს, აქედან ჭკლადიდს 1 დეკემბერს გრიგოლ დადიანს შეეკარა; 4 დეკემბერს ფიცი მიიღო დადიანმა და მისმა ჯარმა რუსების ერთგულობისა და ქვეშევრდომობისა.

მაშინ ლენსუმი თავად-ახნაურნი გრიგოლის მხარეს გადმოვიდნენ და ლენსუმი გააბატონეს (2 აპრილს 1804 წ.). ცოტახნის შემდეგ სამეგრელოში შემოვიდა დიდად დახელოვნებული დიხლომატი ლიტვინოვი და ერთი რაზმი რუსის ჯარი. ეს ჯარი გრიგოლ დადიანმა დიდის აზრით და პატივისცემით ყუაქვში გამოიყვანა და ხორკას დაახანაკა (18 მაისს). აქედან ეს ჯარი ქუთაისს შევიდა უომრად და იქ დაბინავდა მეფე სოლჰომონის ნებაყოფლობით მისს სასახლეში (4 ივლისს). იმავე დროს მთავარმართებლის ციციანოვის ტაბილის ენით სოლჰომონმა, იმერეთის სამხედვართან ციციანოვთან შეერიდმა, ფიცი მიიღო რუსთ ერთგულობაზე 24 აპრილს, მაგრამ იმ პირობით, რომ რუსებს დაებრუნებინათ მისთვის ლენსუმი. ციციანოვიც ფიცი მისცა. ეს პირობა მთავარმართებულმა ვერ შეუსრულა, და სოლჰომონ მეფემაც მიტეული ფიცი უარქვეს.

ამასობაში, გრიგოლ დადიანი ავად გახდა და 23 ოქტომბერს მოკვდა. ბეკნი იტყოდნენ სოლჰომონ მეფის შეჩენით გრიგოლის საწამლავით სიკვდილსა (დადიანს ექიმობდა სოლჰომონ მეფისაგან გამოგზავნილი კათოლიკე მღვდელი ნიკოლა პატრი). მაშინ რუსებმა დადიანად გამოაცხადეს მისი შვილი, მცირე-წლოვანი ლეონ, რომელიც აფხაზთაგან გამოისუიდას, ხოლო რეკენტად—მისი დედა, დედოფალი ნინო დანიშნეს.

რამდენისამე თვის შემდეგ (დეკემბერს 1804 წ.) ყუაქვში ზღვიდან გამოვიდა ახალი ჯარი რუსებისა დიდად ხელოვანის რიგოფის მხედართმთავრობის ქვეშე და დაებანაკა ხონს და ხუნწს. ამან აფხაზებს ანაკლია წაართვა და გამოისუიდა მათგან მცირეწლოვანი ლეონ გრიგოლისძე, რომელიც ოფიციალურად გადადაიანეს 2 აპრილს 1805 წლისას. მერე რიგოფი ქუთაისს შევიდა და იქ დაბინავდა. სოლჰომონ მეფე რუსთა მორიდებით, თუ შიშით წინა-

ადმდეგობას არ უწევდა მას, მაგრამ თვითონ არ ეკარებოდა მხედართ-
მთავარს. მეფე სრულიად გაეცალა ქუთაისს და სცნოვრობდა ზაფხუ-
ლობით ოკრიბას, ზამთრობით კი ვარციხეს. მიზეზი სოლომონის
ესრეთის ქტევისა ის იყო, რომ მეფემ შეატოე, დალატით დაჭე-
რას მიზირბებნე, და ოსმალბებისკენ ჰქტონდა თვალბ.

მართლაც, ხერხით დაჭერა სოლომონისა მთავრობას გადა-
წვეტილი ჰქტონდა 1806 წლიდან.¹⁾ 1807 წელს ეს მძიმე საქმე
მიანდევს ზურაბ წერეთელს, რომელიც უნდა გაეპატონებინათ მის
მაგიერ იმერეთში. სოლო ცხადად კალაშქრება მეფის წინააღმდეგ
ვერ გაბედეს, რადგან ეშინოდათ, მეფემ ოსმალს ჯარი არ შე-
მოიყვანოსა ხსლცხით, ფოთით (რომელიც ოსმალთა ეჭირათ)
და აფხაზეთით და გურით, რადგან ეს ქვეყნები მაშინ თავისუფალნი
იყვნენ და რუსის ბრძანებას არ ემორჩილებოდნენ.

მაგრამ მალე დრო გამოიცვალა. აფხაზეთის მთავარი ქელიე-
ბეგ (შარვაშიძე) მისმა შვილმა ასლანბეგმა მოჰკლას და თვით გაბა-
ტონდა (2 მაისს 1808 წ.). ამას შეუდგა დაუცხრომელი არეულობა
აფხაზეთში. ამით ისარგებლეს რუსებმა და, მეგრელების შემწეობით,
დაამკვიდრეს აფხაზეთში რუსეთის მომხრე მთავარი სოფარ-ბეგი,
რომელმაც რუსეთის მფარველობა მიიღო (1808 წ. 14 ივლისს);
რუსის მხედრობა კაძიერდა ხსლცხის ჯარით (შვიდი რაზმი), რო-
მელიც ზღვით გამოკრავნეს შიდა-რუსეთიდან. დარჩა ფოთი და
გურია დაუმრებელი. მეგრელ-რუსის ჯარმა დ. ობბელიანის მხედართ-
მთავრობით ფოთი (კარდა ციხისა) აიღო 1809 წელს, 12—25
აგვისტოს; სოლო შემდეგ სსსტიკის ბრძოლისა მალთაყვასა და
გრიგოლეთს შუა ოსმალს სერაქსირ შერიფ-ფაშასთან ოსმალთა
მხედრობა გურიელის მამიას დახმარებით, რომელმაც უეცრად უდა-
ლასტა ოსმალბებს, სრულიად შემუსრვილ იქმნა (ოქტომბრის დამლევის),
და ამის შემდეგ ფოთის ციხე კადმოსცა რუსებს ქუჩუკ-ბეგი შარვა-
შიძემ, ფოთის კომენდანტმა (შუა ნოემბერს). ამის შემდეგ თვით
მამია გურიელმაც მიიღო რუსეთის მფარველობა.

რაკი, ამნაირად, რუსეთის მფარველობამ ფენი მოიკიდა გურია-
სამეგრელო-აფხაზეთში და ფოთის იმდროინდელი ძლიერი ციხე

¹⁾ ოს. ამის შესახებ „შოაშბე“ 1896 წ., № IV, „მეფე სოლომონ მეორის
დროის წერილობა“.

რუსთ მხედრობას ჩუვარდა ხელში, ჯერი მიდგა სოლომონ მეფეს. ახლა სოლომონი ახალციხის მეტს სხვა მოკავშირეს ვერ იშოვიდა. ამის გამო მთავრობამ გადასწევიტა სოლომონის წინააღმეგ კალაშკრება და მისი ხელთ ჩაგდება. საჭირო იყო მხოლოდ ყოველი დონე ელხათ, რომ მეფე ოსმალეთში არ გადაეშავათ. 1810 წელს მეგრელი ჯარი 4,500 კაცი და რუს-გურულთა მხედრობა შევიდნენ იმერეთში და წინაწინვე მოსახრობულის მოქმედების გეგმით ისე მოაწეეს საქმე, რომ მეფე ხანის ხეობაში შეამწევიდეს და ახალციხეს გადასავალი გზა თითქმის მთლად მოუწევიტეს. ქუთათელისა და გენათელ ეპისკოპოსის და ზურაბ სახლხურცის შირით რუსებმა დაარწმუნეს მეფე, რომ თუ რუსთა დაჰმორჩილდებოდა, მისს მეფობას და ზატოვს არა დააკლდებოდა-რა. ამში მეფე დაჰჯერეს რუსთა წარმომადგენელთ ფიცის მიღებით. მაშინ მეფე დაჰნებდა მხედრობას და 28 მარტს 1810 წლისს მთავარმართებულთან გაემგზავრა თვისის ამალით; 1-ს აზრილს ტფილისში შებრძანდა. ორს გვირას დიდს ზატოვში ჰქვანდათ, მაგრამ რადგან სოლომონ სამეფოზე ხელს არ იღებდა და წინადადება რუსეთში წასვლაზე უარ ჰქო, ამის გამო ის დაატყვევეს და უარული დაუეენეს; მეფეს მხლებლებიც მოაცილეს, კარდა ხელის-მისხურთა. ამ უკანასკნელთა რიცხვში უოფილა ვინმე გლეხი სარალიძე. უკანასკნელმა თავი განწირა მეფისათვის და ურჩია მეფეს მისის ტანისამოსით განარულიყო. მისის 10-ს მეფე გავიდა სარალიძის ტანისამოსით, მცველებისაგან შემუხნეველი; ხოლო სარალიძე მეფის ტანისამოსში სასახლეში დარჩა. როდესაც სარალიძეს ესრეთი მცბიერობა შეატუვეს და ტუვიით განურეტა მოუნდომეს, მაშინ მეფე სოლომონ მისის ამალით უგვე შორს იყო ტფილისიდან ახალციხის გზაზე. დანარჩენს კარემიებას მეფე თვითვე გვიამობს ქვემო დაბეჭდილს თვისს წერილში, რომელიც გაუგზავნია მას ზემო-იმერლებისათვის. ტომშარავთან დასასჯელად წარდგენილმა სარალიძემ აღიარა რა თავისი ბრალი, მოახსენა მთავარმართებელს: «მე თქვენი ყმობა ჯერ არ მიმიღია, ხოლო როდესაც მივიღებ, თქვენი ერთგულობაც ისეთივე მექნება, როგორც დღეს ჩემის ბუნებითის მეფისა მატქს. ნუ თუ რუსთა განთქმული სამართლიანობა ჰსჯის ყმათა თვისის ბატონის ერთგუ-

ლობისათვის...» მთავარმართებელმა არა თუ არ დასაჯა, არამედ აზნაურობით დააჯილდოვა მეფისათვის თავდადებული უმა.

აი თვით წერილიცა:

«ქ: ჩვენგან ნიადგ ზატივით, სიამედოდ და საერთგულოდ სასწრაფო და ძმურად სუფარულთ ერთობით ზემოურებს.¹⁾»

მეფე სრულიად იმერთა სოლომონ ძმების სიუფარულით მაგიკითხავთ. მერეთ, როდესაც გული დავაჯერე, რომ რუსეთს მისტურებენ, თქვენის მოშორებისა და იმერეთის სუფარულად დატევების (ეცხლი ჩემს გულს მოკვზნა. ცისქვეშეთს დიდებს თქვენთან უოფნა, თქვენთან სიხარული, თქვენთან სიცოცხლე და სიკვდილი ვირჩიე.. ათს ამ თვეს, დამის ორ საათს გასულს, ქადაქიდაძე²⁾ გამოვიქ. ოთხნივ წერეთლები³⁾, ორნი ძმანი ერისთავები⁴⁾ დაბუაშვილი თავეთის კაცებით ოცდა სამი ცხენოსნები აქ, ახალციხეს, მოვიდით. თქვენის ერთგულებისა და სიუფარულისაგან ამას მოვიქვით, რომ ერთობით ჩვენს ერთგულებასზე თავი დასდვით და უოველი თქვენი მოკიდებული ოჯახები და მეზობლებიც დააჯეროთ, რომ საქართველოსათვის არ დაიდუმნეთ, რომელნიც იმათ ხელში სულიერად დიდს ზარასკეგს ხორცსა სჯამენ და ხორციელად გატანჯულნი სიკვდილს ნატრულბენ. ზირველად ისინიც ფიცითა და ოქროთი და ტბობის სიტყვებით მოატეუეს და დღეს მკვდარზედაც სამი მანეთი ხარაჯა დაუდვით და ართმევენ; სახლისა და ცოლ-შვილის უზატიოებისათვის მწარედ ოხვრენ და კვნესიან და დღე-და-ღღე უმწარესს დღეს მოკლან. თუ თქვენს დამონებაზე გულ დასმულნი შეიქმნენ, ეველასზე უმწარესი დღე თქვენ მოგადგებათ, იცოდეთ. და რომელნიც დღეს ოქროს იძლევიან, ხვალ თქვენის სახლის საცხოვრებელსაც წაგართმევენ; დღეს რომ ზატივით გეზურბიან, ხვალ უოფლის ქვეინისაგან უფრო იმერეთში წმინდად შენახულს ცოლ-შვილის ნამუსსა და ზატიოსნებას უზატიოდ გასდიან. მე თუ სხვა სამსახური რამ

¹⁾ ზემოურებს იმერეთში ზემო-იმერეთის (შორაპნის მაზრის) მცხოვრებთ უწოდებენ. ეპის გარეშეა, ამნაირი მოწოდების წერილი ქვემო-იმერლებსა და რაჭველებსაც ექმნებოდათ.

²⁾ ტფილისიდან.

³⁾ ქაიხოსრო, როსტომ, სვიმონ ზურაბისშვილი და სვიმონ გიორგისშვილი.

⁴⁾ ძმები დავით და გრიგოლ.

დამიკლავ თქვენთვის, ეს კი უგელამ იცით, რომ თქვენთვის ჰატ-ვისა და სიუვარულისაგან ჩემი გული არ გამოდარა. ეს არის დღე თქვენგან ჩვენის ერთგულობისა და სიუვარულისა, რომ, როგორც მოგვიწერია, ისე ჰქნათ. და თუ თქვენ მიჩნევთ და დამაჯერებთ, სხვას უსცხს ჯარებს⁵⁾ აღარ დავუძებ. შე თქვენთან მოვალ, როგორც თქვენი ზასუხი მომივა, ისე ვიქ. ამასუდარე გული დაჯერეთ: იმერეთის გულისათვის ჩემი სიტყვებზე უნდა დავასრულო. მასისის იზ (17) წელთა ჩუი (1810)

საქმე
 სოფომონ II
 იმერეთის მეფისგან

ეს წერილი დაწერილია სქელს ლურჯ ქაღალდზე, რომელსაც სიგრძე აქვს ათი გოჯი და სივანე ხუთი გოჯი. გარედან შემდეგი წარწერა აქვს: აქ: მათ კეთილშობილებას ერთობით ზემოურებს მიერთვასა.

იმერეთში სოფომონ მეფეს ამ წერილის შემდეგ კარი გაუღეს. გარდა რამდენთაზე გავლენიან ზირთა, მთელი იმერეთი მეფეს მიუდგა. მაგრამ მაინც ვერ დაუდგა რუსთა და გურულ-მეგრელთა ჯარის წინააღმდეგ და იძულებულ იქმნა ისევე რსმადეთში გადასულიყო 18 ნოემბერს 1810 წელს. აქ რსმადთა ჯარი უნდა ემოყვნა. 1811 წელს რსმადთა მხედრობა მზად იყო შესულიყო იმერეთში, მაგრამ ამ დროს უამი შეიქმნა და ჭირი 1811—1812 წლებში, რომელმაც მოსწვიდა ორი წელი მთელის იმერეთისა. სრულიად იმედ-დაკარგული მეფე რსმადეთში დაბრუნდა, სადაც გარდაიცვალა 1815 წელს და დამარხულია ტრანზიონში.

სოფომონ იმერეთში 1815 წლიდან დამკვიდრდა რუსთა მმართველობა.

დასასრულ, აქვე დავსძენთ ქრონიკას ვინმე ჩხეიძისაგან საკუთარის ხელით დაწერილს, რომელიც შუქსა ჰყენს ზემოაღწერილს ამბებს.

ჩუი (1810) წელსა. რუსეთის მხედრობამ ჩამოართვეს მეფეს არჩილის ძეს მეფობა და შევიდა მეფე (სოფომონ) მთაშიდ, რათამცა

⁵⁾ აშკარაა, რსმადთა ჯარების შესახებ ამბობს.

გარდასრულიყო ახალციხედ და შუამდგომლობითა კენათელ შიტრ-
 ზალიტისა ეფთვიზმის, გურიის ერისთავს შჯლისთა, დაწმუნებულ
 იქმნა და ჩამოვიდა მთიდაშ მეფე და შეეყარა ღენერალს სუმონ-
 ვიჩის ფერსათს სალხინო საუდარზე მარტო და შეფიცა ღენერალმა
 მეფესა, რათამცა ქალაქს წაბრძანდეს მთავარმართებელს ღენერალ
 ლეინტინატ ტორმასოვთან და იმის ნახვს შემდგომად ისევ დაშთე-
 ბლად მეფედ, რეგორც ზიჩველ. რამელის რწმუნებული მეფე წა-
 ბრძანდა ტფილისს თავს თავადებით და იახლა კენათელი ეფთვიზმი
 და ნიკოლაოს წმიდელი წულუკიძე სოფრან. და მეფე დაჭერილი
 იქმნა ტფილისს უარყოფის დაუეხებით. და დაშთა იმერეთის მმარ-
 თველად ღენერალი სუმონავიჩი. და ამავე წელს მასის თვეში
 გამოიხატა მეფე თფილისიდაშ და ჩავიდა ახალციხეს და გარდაჟუა
 თავს თავადი წერეთელი ქაიხოსრო და ძმა მისი როსტომ, წერეთელი
 სვიმონ გიორგის შვილი, ერისთავი დავით და გრიგოლ და სხვანი
 რამელიძე. და მეორე თვეს ივნისის ჩამოვიდა მეფე რადენისმე
 ჯარით ბერძენების მთით, რამელიც ახალციხეს ცხვარებდა ამ ჟამად
 ფაშათ ათაბაგი სასელით შირიფ. და მივიდა მეფე ტუჩინას ავია-
 შვილის სასახლეშიდ. და შეკრბა იმერეთი და აღიძრა შოფთი რუსსა
 და მეფე შუა. და იყო ჩხუბი. სვიმონავიჩი იყო ქუთაისს, მაიორი
 უშაკოვი ერთის ბატალიონის ჯარით და თფიხანით. და ამას ახლდნენ
 იმერელნი სახუცესი წერეთელი ზურაბ, წულუკიძე ოტია და სენია,
 დადიანი ლევან თავის სამთლბებელს ჯარით და აფხაზით, და გურიელი
 მამია თავის ჯარით. და ივენენ დამონავებულ ქვეყანას ქვემოხრისას
 ადგილადგილ. და იძლია მეფე და განდევნილ იქმნა ისევ ახალციხეს.
 და ამავე წელს ნოემბრის თვეშიდ ჩავიდა ახალციხეს მთავარმართე-
 ბელი ტორმასოვი რამელი ათასის კაცით თელი ქართული ჯარი და
 კახელი და კვალად თათრის. იმერელი სრულიად, დადიანი თავის ჯარ-
 ით და გურიელი, რამელიც ანა რაის დამკლები უკანვე დაბრუნებუ-
 ლი იქმნენ თავის ნებით. ზემონსენებულნი ჯარნი თავთავის ადგილზე
 ამავე წელს ივლისის შუას (ორის სიტყვის აღაგი განკებ ამომკრა-
 ლია). — იქ დღეს ხუთშაბათს შუადამისსა.

947.922

5 841